

§ 5. Qarzlar bo'yicha xarajatlarni kapitalizasiya qilishning to'xtatilishi

26. Xo'jalik yurituvchi sub'yekt kvalifikatsiyalangan aktivni tayyorlash bo'yicha faol harakatni to'xtatgan davomiy davrlar mobaynida qarzlar bo'yicha xarajatlarni kapitalizasiya qilishni to'xtatishi lozim.

27. Xo'jalik yurituvchi sub'yekt aktivni belgilangan maqsadda ishlatishga yoki sotishga tayyorlash uchun zarur bo'lgan faoliyatni to'xtatib turgan davomiy davrlarda ham qarzga olingan mablag'lar bo'yicha xarajatlar qilishi mumkin. Bunday xarajatlarga kapitalizasiya qilish sifatida turkumlanmaydigan tugallanmagan qurilishni saqlab turish xarajatlari kiradi. Biroq, odatda xo'jalik yurituvchi sub'yekt asosiy (zaruriy) texnik va ma'muriy ishlarni amalga oshirayotgan davrda qarzlar bo'yicha xarajatlarni kapitalizasiya qilishni to'xtatmaydi.

28. Vaqtinchalik to'xtatib turish aktivni belgilangan maqsadda ishlatishga yoki sotishga tayyorlash jarayonining bir qismi bo'lib hisoblanganda ham qarzlar bo'yicha xarajatlarni kapitalizasiya qilish to'xtatilmaydi. Masalan, zaxiralarni yetarli darajada yig'ish davrida yoki suvning yuqori darajada bo'lishi ko'prik qurilishini kechiktirganda, agar ushbu geografik hudud uchun qurilishni belgilangan davri davomida suvning bunday yuqori darajada bo'lishi odatiy hol bo'lsa, qarzlar bo'yicha xarajatlarni kapitalizasiya qilish davom ettiriladi.